



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemerologivm Ecclesiastio-Rubricisticum Novum

Halden, Johann Baptist

Brixinæ, 1717

Titulus XIX. De Dominica in Palmis, ac Ferijs Hebdomadæ Majoris.

urn:nbn:de:hbz:466:1-39937

TITULUS XIX.

De Dominica in Palmis, ac Ferijs Hebdomadae Majoris.

DOMINICA IN PALMIS (Vulgo *Dominica Palmarum* seu *Ramorum*, aut etiam *Florum* dicta, à *Ramis* scilicet *Olivarum*, aut *Palmarum*, vel *aliarum Arborum*, in ea benedici, ac distribui solitis) est *Dominica Major* I. Classis: adeoque *privilegiata* contra quodcunque Festum 9. Lectionum in ea occurrens; imò non tantùm ipsa, sed tota *Hebdomada Major*, sive *Sancta* [ita dicta ob Sacratissimum *Dominicæ Passionis Sacramentum*, & varijs insuper alijs Nominibus jam olim compellata, uti apud Gav. To. I. P. 4. Tit. 7. n. 6. & S. Bouffac in Noctib. Theol. Dissert. 3. videre est] & quia simili modo etiam eam subsequens *Hebdomada Paschalis* est *privilegiata*, ideo si ab hac Die usque ad *Octavam Paschæ* inclusivè occurrat aliquod Festum 9. Lectionum, transferri illud debet post *Octavam*, ut habet *Rubric. Propr. hinc*: imò non tantùm celebrari non potest in *Dominica Palmarum*, ac tota *Majori Hebdomade* ullum Festum 9. Lectionum, sed nequidem *Missa Votiva Solennis* de Festo occurrente, etiam in foro celebri [v. g. de *Annuntiatione B.*

M. V.] in tota *Majori Hebdomade* dici; idemque etiam est de *Dominica Resurrectionis*, & *Feria II. ac III.* eam subsequente, in quibus pariter nec ullù aliud Festum, aut *Missa* de eo *Votiva* solennis in gratiam populi, magno numero ad illud concurrentis, celebrari potest, uti constat ex nova *Rubrica Gen. Missalis Tit. 6. n. 1.* posset tamen cantari ejusmodi *Missa* altera de tali Festo in alijs *Ferijs* intra *Octavam Paschæ. Rubr. cir. & Arnaud. Tr. I. P. 4. Tit. 15. n. 4. De Festis Simplicibus* quoque à *Feria V.* in *Cœna Domini* usque ad *Feriam tertiam Paschæ* inclusivè occurrentibus, nulla fit *Commemoratio*, esto de illis extra modò dictos dies occurrentibus fiat tam hac, quàm sequenti *Hebdomade* [sine *Lectione* tamen] regulariter aliqua in *Officio*, ac *Missa* *Commemoratio*. Quid autem *Circa Festa Fori*, tum hanc *Dominicam*, tum infra *Hebdomadam Majorem*, ac sequentem *Hebdomadem Paschalem* occurrentia, ulterius sit observandum, dicitur inferius paulò post, & P. II. Die 19. & 25. *Martij*.

Celebratur DOMINICA PALMARUM Officiò Semiduplici I. Classis eòdem

eodem proportionaliter modò ac Ritù, quò Dominica Passionis, ut in Psalterio, ac propriò Locò. Col. Viol. Ad Asperges post Psalmum *Miserere* non dicitur *Gloria Patri* &c. sed hòc omisò immediatè repetitur Antiphona: *Asperges me* &c.

Completà Tertià post dictum *Benedicanus* [sine *Fidelium anima* &c.] fit ante Missam Conventualem more solito Aspergio Aquæ benedictæ, & post hanc solemnè *Benedictio*, ac *Distributio Ramorum*, quam sequitur *Processio* Solennis Ritù descripto hoc die in Missali Romano, & accuratè declarato à Gav. P. 4. Tit. 7. à n. 7. & à Bauldry P. 4. *Manual. Sacrar. Cæremoniæ*. c. 6. a. 2. & 3. additis ijs, quæ habet P. 1. c. 9. n. 18. succinctius verò à Gerlaco Vinitore in *Comp. Sac. Rit. P. 6. tit. 6.* & Arnaud. tr. 1. P. 4. Tit. 7. qui monent inter alia, ut illi, qui sub *Process.* à dextris incedunt, dextrà quoque manu ramos portent; qui verò à sinistris incedunt, eos sinistrà deferant; Alteram verò manum tam hi, quam illi, pectori admoveant, nisi sustentando Libro Rituali, aut aliò ea occuperent.

Post *PROCESSIONEM* celebratur *Missà Principalis*, & *Rami* solum tenentur in manibus eo Tempore, quò cantatur *Passio*, & *Evangelium* [etiam ultimum] in *Missà solenni*, & quidem à Celebrante, &

ejus Ministris in manu sinistra; alij verò omnes tenent eos dextrà, præter Cantores Passionis, & eorum Acolythos, qui eos nullatenus tenent. Bauldry P. 4. c. 6. art. 3. n. 7. & 13.

Porrò in *Missà* [etiam *privata*] non dicitur; post *Introibo* &c. Psalmus *Judica me DEUS* &c. nec *Gloria Patri* ad Introitum, nec ad finem Psalmi *Layabo* &c. nec *Gloria in excelsis* &c. nec nisi unica Oratio, ut ibi, etiamsi in Officio facta fuerit ad *Laudes* & *hesternæ Vesperas* Commemoratio *Festi Simplicis* occurrentis, uti præscribitur in Rubr. Gener. *Missal. Tit. 7. n. 1.* habuimusque Exemplum annò 1707. in S. Aniceto, de quo fiebat Commemoratio in *Laudib.* ac *1. Vesperis*, non item in *Missà* *Dominicæ Palmarum*. Idem est de Oratione ad Tempus alioquin indicta à Superiore Ecclesiastico, v. g. Episcopo; nam & hanc juxta alibi dicta omittere oportet in quacunque *Missà* hodiernæ *Dominicæ*. Cùm Celebrans in *Miss.* priv. & *Subdiaconus* in *Missà* solenni dicit in *Epistola*: *ut in Nomine Jesu omne Genu* &c. ipse, & omnes alij, etiam Celebrans, genuflectunt, usque ad Verbum: *Inferorum* inclusive. Post Tractum immediatè dicitur *Passio D. N. J. C. secundum Mattheum*, quæ absolutè incipitur, id est, nec dicendo *munda Corneum*, nec petendo *Benedi-*

Benedi-

Benedictionem, nec dicendo *Dominus Vobiscum*, nec respondendo *Gloria tibi Domine*. In Missa quoque solenni nec Luminaria deferuntur, nec etiam Incensum; denique nec Celebrans [Missam etiam privatam] nec Diaconus, dum pronuntiant: *Passio Domini nostri* &c. Librum signant, aut se ipsos. Quando cantando, aut legendo Passionem pervenitur ad mortem Christi, fit genuflexio utroque Genu, & quidem in Missa solenni à Cantoribus Passionis versus Librum, à Celebrante autem & Ministris super suppedaneum in medio Altaris: quod ipsum secundum Communem [nostrae saltem Germaniae] Praxin à celebrantibus observatur etiam in Missis privatis, licet in his Gerlac. cum Bauldry versus Librum faciendam esse contendat: sitque Pausa spatio Unius *Pater noster* juxta Gavant. To. 1. P. 4. Tit. 9. n. 7. quâ factâ Celebrans, si ipse legat Passionem, surgit, & factâ Cruci debitâ Reverentiâ rediens ad Librum, prosequitur residuum: Ubi verò devenerit ad eam Partem, quæ dicitur in Tono, aut Locô Evangelij, antequam eam legat, redit ad medium Altaris, & inclinatus more consueto dicit *munda Cor meum*, & : *Jube Domine Benedicere* &c. quibus dictis redit ad Librum in Cornu Evangelij, & nec Librum, nec se ipsum

signans, nec dicens *Dominus Vobiscum*, reliqua absolvit, osculando in fine Librum, dicendoque: per *Evangelica Dicta* &c. ad quod Minister respondet: *Laus tibi Christe*. In Missa autem solenni, in qua Passio non decantatur à Celebrante saltem solo, sed ab ejus Ministris [3. v. g. Diaconis, in eodem, vel ad majorem commoditatem, in tribus, sed nudis Pulpitis, ad Cornu Evangelij collocatis] non tantum petitur Benedictio à Diacono ultimam Passionis Partem in Tono Evangelij decantaturo, reliquaque prædicta observantur, sed etiam defertur Incensum [attamen sine Luminaribus] & incensatur Liber. Dum etiam Passio in ejusmodi Missa solenni dictâ modò canitur à Diaconis, ipse Celebrans eam submissè legit in Cornu Epistolæ, Ministris ad latus ejus stantibus, ut in Introitu Missæ, & ubi pervenit ad mortem Christi, non genuflectit, sed totam absolvit stando: addit Vinitor, Celebrantem non flectere, nisi simul cum Cantoribus. Porro Diaconi Passionem Cantantes singuli debent esse induti Amictu, Albâ Cingulô, Stola Diaconali Violaceâ, nec non Manipulô similis coloris, ac procedere de Sacristia hoc ordine, ut is, qui *Evangelistam* refert, Librum deferat ante pectus, & sit primus, eum sequatur ille, qui *Tributam*, & hunc is, qui Christum præsen-

præsentat: factis autem debitis Reverentijs Altari, accedere ad canendum, medium locum relinquentes agenti Personam Christi, & dexteram Evangelistæ. Quod si Celebrans canter Passionem, cantabit illam in Cornu Evangelij, & non Epistolæ. Nota illæ: H . C. S. quibus in Missali discriminantur Textus cujuslibet Passionis, denotant, quid à quolibet Diacono [si à pluribus decantetur] sit decantandum: Nam H denotat Christum, C. Chronistam, seu Evangelistam. S. Synagogam; vel [ut alij exponunt] H Christum, C. Cantorem, S. Succentorem, seu Subcantorem.

Atque prædicta omnia etiam alijs Diebus, in quibus legitur Passio, sunt observanda, præterquam in Parasceve, in qua ante id, quod ultimò legitur in Tono ac Locò Evangelij, dicitur quidem *Munda Cor meum*, ut alijs diebus, non tamen petitur Benedictio, nec deferuntur Luminaria, neque Incensum, nec denique Celebrans in fine osculatur Librum. In Missis privatis non extinguuntur Lumina in Altari, dum legitur Passio: & tam in iisdem, quam Missa solenni dicitur hodie *Credo* [sine Gloria] ac Præf. de S. Cruce. In fin. *Benedicamus*, & in Missis privatis [imò & Missa solenni, ubi non benedicuntur Rami] ultimam Evangel. Cum appropinquas-

ser *Jesus &c.* ex Benedictione Palmarum. at verò in fine Missæ solennis, ubi benedicuntur Rami, dicitur in fine Evang. S. Joan. Col. Viol. In Altari, ad quod benedicuntur Rami [hodie aliquanto remissius parando] juxta Bauldryum ponendi sunt locò *florum* inter 6. Candelabra Rami Palmarum, aut aliarum Arborum, aurò, vel argentò ornati.

Ad Vesperas Antiphona, & Psalmus *Dixit Dominus*, cum reliquis de Dominica. Capitulum, ut in Laudib. ac 1. Vesperis. Hymnus [*Vexilla Regis &c.*] & Versus [*Eripe me Domine ab Homine malo*] ex iisdem 1. Vesperis. Antiph. ad *Magnificat* propr. Si cras occurrat *Festum Simplex*, sit de eo in *hod. Vesper. Commemoratio*. Ad *Completor.* in Responfor. brev. omittitur *Gloria Patri*. Col. Viol. Non fieri hæc quoque Hebd. in Laudib. ac Vesper. Commemorationem de S. Cruce, nec alias Communes; sed tantum dici consuevas Preces ad *Primam*, & *Completorium*, nec non [in seriali Officio] ad reliquas quoque Horas, constat ex Dictis Hebd. præcedente.

Hodie ex Decreto Eugenij IV. incipit *Tempus Communionis Paschalis*, & durat usque ad *Dominicam in Albis* inclusive, ubi alia non est *Locorum Consuetudo*: qua de re erudita, ac admodum practica vide apud

M

P. Georg.

P. Georg. Gobat in Alphab. Commun. seu Tr. 4. à n. 32.

Infra hanc quoque, & sequentem Hebdomadam non possunt dici Missa Votiva privata, etiam de Requiem, etiam presente Corpore. An autem, & quando infra utramque eam Hebd. dici possit Missa Votiva solennis, dictum est supra initio hujus Tit.

FERIÀ II. III. & IV. infra Major. Hebdomadem Officium, & Missa eò proportionaliter modò dicuntur, quò infra Hebdomadam Passionis, nisi quod ad *Laudes* & per *Horas* propriæ habeantur Antiphonæ, cuilibet dictarum Feriarum in Proprio de Tempore assignatæ; quòdque infra hanc Hebd. nec Fer. II. dicatur *Officium Defunctorum*; nec Ferià IV. *Psalmi Graduales*; nec Fer. VI. *Psal. Pœnit.* Iisdem 3. Ferijs peculiariora quoque sunt Seqq.

1. FERIÀ III. dicitur in Missa [ad Normam præcedentis Dominicæ] *Passio secundum Marcum*, & in fin. *Evang. S. Joan.*

2. FERIÀ IV. Ad Primam legitur Martyrologium perinde, ac alijs diebus, pro sequenti die, nisi quòd primò locò, hoc est, ante Fe-

sta, annuntietur *Cœna Domini*. In Missa hujus ejusdem Feriæ ad Verba illa Introitus: *In Nomine Jesu* &c non genuflectitur à Celebrante. In ead. Missa post *Kyrie eleison* dic. *Oremus, stectamus genua* &c. cum duplici Lectione, ac post *Tractum* posterioris *Passio D. N. J. C. secundum Lucam*. Reliqua, ut heri. Ubi desunt, consecrantur hodie *parva Hostie* pro cras Communicaturis &c.

Si cras occurrat Festum Simplex, tunc, quia cras de eo ne quidem Commemoratio fieri potest [cum à Feria V. in Cœna Domini usque ad Fer. III. Paschæ inclusivè nulla fiat juxta Rubricæ supra cit. Festorum trium Lectionum Commemoratio] eapropter nulla etiam fiet de eo Commemoratio in Vesperis hodiernæ Feriæ IV. præcedentis, nisi expressè dicitur Rubricæ Gen. XI. n. 10. Habuimusque Exemplum hòc annò 1710. in S. Aniceto Pap. & Mart. cujus Festum [Simplex, seu 3. Lectionum] quia occurrit ipsà Feria V. in Cœna Domini Festi. Simplex Commemorationem excludente, deo nec in Vesperis Feriæ IV. præcedentis fieri potuit de eo Commemoratio.

